

“Markaziy Osiyo – Xitoy” tashqi ishlar vazirlarining birinchi uchrashuvi

2020-yilning 16-iyul kuni O’zbekiston Respublikasi Tashqi ishlar vaziri Abdulaziz Kamilov videokonferensiya shaklida “Markaziy Osiyo – Xitoy ” birinchi vazirlar uchrashuvida ishtirok etdi.

Tadbirda, shuningdek, Xitoy Xalq Respublikasi Tashqi ishlar vaziri Van I, Qirg’iziston Respublikasi Tashqi ishlar vaziri Chingiz Aydarbekov, Qozog’iston Respublikasi Tashqi ishlar vaziri Muxtar Tleuberdi, Tojikiston Respublikasi Tashqi ishlar vaziri Sirojiddin Muhriddin va Turkmaniston Tashqi ishlar vaziri Rashid Meredov qatnashdi.

Koronavirus infeksiyasini oldini olish, tarqalishini oldindan baholash va cheklash, unga qarshi kurashish sohasidagi hamkorlikning dolzarb masalalari, Markaziy Osiyo davlatlari va Xitoy iqtisodi va sanoat quvvatlarining barqaror o’sishini ta’minlash mexanizmlari muhokama qilindi.

Transchegaraviy xarakterdagi epidemiologik tahdidlarga qarshi kurashish bo'yicha amaliy choralarining samaradorligini oshirish maqsadida mazkur videokonferensiya ishtirokchi-mamlakatlarining tibbiyot mutaxassislari soha idoralari o’tasida muntazam hamkorlikni o’rnativishning zarurligi qayd etildi.

Hozirgi sharoitda o’zaro savdoni qo’llab-quvvatlash va oziq-ovqat xavfsizligini ta’minlash, iqtisodiyotni raqamlashtirish suratlarini jadallashtirish hamda transport-tranzit yo’llarining diversifikatsiyalashgan tizimini shakllantirish uchun sa’y-harakatlarni birlashtirishning dolzarbligi ta’kidlandi.

O’zbekiston tomoni yuqorida aytib o’tilgan hamkorlik sohalarini o’z ichiga oluvchi Pandemiya va uning oqibatlariga qarshi kurashish bo'yicha kompleks dasturni birgalikda ishlab chiqishni taklif qildi.

Abdulaziz Kamilov ishtirokchilar e’tiborini barqarorlikni mustahkamlash hamda Markaziy Osiyo davlatlari va Xitoy xalqlari farovonligini oshirish uchun aniq innovatsion, infratuzilma, transport-kommunikatsiya va energetika loyihibalarini amalga oshirishning muhimligiga qaratdi.

Muzokaralarda mintaqaviy xavfsizlik va barqarorlikni mustahkamlash, jumladan Afg'onistonning ijtimoiy-iqtisodiy infratuzilmasini qayta tiklash masalalari bo'yicha ham fikr almashildi.

Manba